

**Arkiv:** <arkivID><jplID> FE-033, HistSak-14/3748  
**JournalpostID:**  
**Sakshandsamar:**  
**Dato:** 04.10.2022

Saksframlegg

Saksnr.	Utval	Møtedato
136/22	Alver kommunestyre	20.10.2022

## Spørsmål/interpellasjonar til kommunestyret 20.10.2022

### Alver kommunestyre 20.10.2022:

#### Handsaming:

##### Spørsmål frå M.Klementsens-uavh.:

1. Vil med dette spørje Ordførar om kor mange gonger Alver kommune er vorten saksøkte i denne perioden. Vil gjerne ha antall med konkrete saker/navn på saksøkjorar, og korleis status er, og har vore på kor mange saker som har vore, eller skal avgjerast i rettsapparatet.

Antall forlik - med kronestørrelse på evt. desse ynskjust óg.

2. Vil med det same spørja om kvifor Formannskap/Kommunestyret ikkje får informasjon om saksøkingar mot kommunen. Ref: tidlegare Grunngeve spørsmål, der dåværande titullerte Rådmann uttalde at det var mange som til ein kvar tid saksøkte kommunen.

#### Svar:

1:

##### Forliksrådet:

- Sak nr. F2020-052150: NN og NN – Alver kommune (oppgjør etter avståing av eigedom og avtaleskjøn): Forlik
  - Forlik 11.01.2021: kommunen utbetalte kr. 60.000.-

##### Tingretten:

- Sak nr. 18-120705RFA-NN Parter: NN m/flere mot Alver kommune (krav om rettsutredning og grensefastsetting)
  - Saken er avsluttet – Alver kommune vant saken og ble tilkjent fulle saksomkostninger.
- Sak nr. 20-102661TVI-BERG/2 - Saksøker NN mot Alver kommune (arbeidsrett)
  - Saken ble avsluttet med forlik under rettsmekling – Alver kommune utbetalte kr. 200 000,- til NN.
- Sak nr. 20-025120TVI-THOD/ - Saksøker NN – Alver kommune (erstatningssøksmål)
  - Saken avslutta ved forlik. Kr. 950.000 til saksøker (forsikringsoppgjør), Alver kommune sin egenandel var på kr. 50.000.

- Sak nr. 20-089550TVI-THOD/1 – Saksøker NN ASA mot Alver kommune (Gyldighetsprøving av eiendomsskattevedtak)
  - Saken avsluttet med dom – dommen er anket inn for Gulating lagmannsrett – se under.
- Sak nr. 21-114131TVI-THOD – Saksøker NN AS – mot Alver kommune og staten (gyldighetsprøving av forvaltningsvedtak)
  - Saken er pågående.

Anker for Gulating lagmannsrett:

- Sak nr. 22-035331ASD-GULA/AVD1 – NN ASA mot Alver kommune (Gyldighetsprøving av eiendomsskattevedtak)
  - Saken er pågående og berammet til hovedforhandling i Gulating lagmannsrett 24. oktober 2022 – 2. november 2022.

2:

Alle saker er kommunisert med kommunedirektør og ordfører.

**Spørsmål frå M.Klementsens-uavh.:**

**Varsling av kritikkverdige forhold:**

Alver kommune ynskjer at kritikkverdige forhold vert avdekka, og at dei blir følgd opp. Det vert her vist til eigne prosedyrar for varsling i HMS-systemet, samt reglane i arbeidsmiljølova.

**Generelt:**

Ein god etisk praksis heng saman med at det vert lagt til rette for open kommunikasjon og refleksjon omkring etiske problemstillingar og dilemma i heile organisasjonen. Det skal difor leggjast til rette for at det er jamleg fokus på etikk i medarbeidar- og leiarfora på alle nivå.

Mitt første spørsmål er om det er nokon som nyttar seg av varsling av kritikkverdige forhold, evt kor mange, og om å få sjå oversikt over desse.

Det andre spørsmålet eg har i dette grunngjeve spørsmålet er kva som konkret gjerast for tilretteleiing. Sitat: "Det skal difor leggjast til rette for at det er jamleg fokus på etikk i medarbeidar- og leiarfora på alle nivå". Når var det fokus på dette tema på leiarnivå, og i dei lågare nivåa? Vil gjerne ha eit konkret svar på spørsmålet.

**Svar:**

Alver kommune har hatt stort fokus på arbeidet med internkontroll etter samanslåinga. Dette er eit stort og krevjande område og organisasjonen har ikkje kapasitet til få til alt og få på plass alt på ein gong. Vi arbeider systematisk med å få på plass element som manglar og forbetre element som kan bli betre. Hovudfokus i internkontrollarbeidet er til no vært å implementere nytt elektronisk kvalitetssystem og få på plass rutinar og prosedyrar og overordna reglement.

«Det skal være enkelt å melde frå om kritikkverdige forhold i Alver kommune. Kommunen nyttar systemet «Mitt varsel» som kanal for varsling, har etablert eit varslingsutval som handterer innkomne varsel og har rutine for handtering av varsel om kritikkverdige forhold. Så langt i 2022 har det komme inn tre varsel, der to av disse, pga. varselets innhald og i samråd med varslar, er handtert gjennom avviksmodulen i kvalitetssystemet. (Tema for varselet er arbeidsmiljø.)

1. Etisk reglement ligg lett tilgjengeleg for alle tilsette, både på innbyggjarportalen og i kvalitetssystemet. Etikk og konkrete etiske dilemma vert diskutert i tenestene gjennom den daglege drifta, både mellom medarbeidarar og med leiar, og i samband med utarbeiding av rutinar og reglement, som til dømes innkjøpsreglement og rutine for handtering av habilitetsspørsmål. Temaet etikk er også eit element i plan for leiarutvikling, og kommunen er i kontakt med Arbeidstilsynet for å få på plass eit varslingsseminar.
2. Fleire tema innan internkontroll ligg inne i mal for månadmøte mellom leiarar i Alver kommune. I denne malen ser eg at etiske problemstillar kan og bør konkretiserast og tydeleggjerast meir enn det som er tilfelle i dag.  
Vi har hatt få fysiske samlingar etter Koronaen og det har vert vanskeleg å prioritere mellom tema som alle er like viktige. En gjennomgang av og refleksjon rundt etisk reglement vil være høgt prioritert for møta som kjem.  
Vi nyttar også årshjulsmetodikk for å sikre gjennomføring slik det vert etterlyst i spørsmålet.

**Spørsmål frå Liv Hopland van der Kooij-SP:**

I vår var eg som polititar på omvisning i eit nesten ferdig renseanlegg/vannverk på Hestdal, dei holdt på å prøvekøyra anlegget og sa det ville ta litt tid å finjustera det. Er anlegget ferdigstilt og i full drift? Er arbeidet med HMS/sikring på utsida av anlegget og nede ved ungdomshuset på Grasdal ferdig?

**Svar:**

1. De har nettopp bygget om UV anlegget. Den neste 14 dagers perioden skal det sjekkes ut om vi har stabile verdier på SD-anlegget. De faste fysiske sjekkene av vannprøvene, viser at vi hele tiden har hatt god vannkvalitet, men det er ikke ønskelig å slippe ut vann til abonnentene før den tekniske avlesingen på SD-anlegget er ok. Har tatt lengre tid enn leverandør og kommunen har sett for seg, men vi har god tro om at vi nå snart kan slippe vann ut til abonnentene.
1. HMS og sikring ved Grasdal er jeg usikker på hva det siktes til, men som utgangspunkt er alle arbeider avsluttet fra vannbehandlingsanlegget og ned til Grasdal ungdomshus. Er det Jørgen Olsvoll og utplassering av gjerder det siktes til, er dette en av flere saker som beklageligvis er en dialog mellom advokater.

**Spørsmål frå L.Johnsen-MDG:**

Kan ordf. ta initiativ til at KO får ei brei orientering om planoppgåvene og plankapasiteten når det gjeld arbeidet med Arealplanen og Alver sine prosjekt til Miljøløftet?

Kan ordf. ta initiativ til at KO får drøfte korleis ein skal prioritere planarbeidet mellom Arealplan og prosjekt til Miljøløftet?

I FO møte 6. okt. vart det gitt ein gjennomgang av mange moglege prosjekt Alver kommune kan få midlar til i Miljøløftet.

Dei fleste av desse er ikkje ferdig regulerte, noko som er eit krav for å få midlar frå Miljøløftet/Byvekstavtalen.

Det skjer òg for tida mye byggjeverksemd i kommunen, og fleire innbyggjar har meldt underteikna om bekymring for om alt er lovleg og godtkjent av kommunen. På Mjåtveit næringspark har eit stort firma som Vassbakk & Stol fått stoppordre og dagmulter for ulovelg verksemd.

Avdelinga for Tilsyn og miljø har meir å ta tak i enn dei har kapasitet til. T.d. er Tiltakasplanen for Mjåtveitvassdraget, som skulle vere ferdig før sommaren, utsett grunna manglande kapasitet, opplyste ordf. i FO møte 6. okt.

I tillegg arbeider planavdelinga med den nye Arealplanen. Ideelt sett skulle Alver hatt ein ferdig arealplan før prosjekta til miljøløftet vart planlagte. Men grunna samanslåinga er ikkje tidsplanen ideell. Det ein har er arealplanane frå dei tre gamle kommunane, med dei prosjekta som låg der.

Det gjer at planavdelinga synest å vere under eit større press enn forsvarleg;

- både å få arealplanen for Alver ferdig raskt,
- og å ferdigregulere moglege prosjekt til miljøløftet,
- og å ha kapasitet til å følgje med på om all byggjeverksemd rundt om i kommunen går lovleg for seg.

Dilemmaene dette skaper er fleire:

- Gjer ein Arealplanen ferdig før prosjekta, risikerer ein å måtte dispensere frå planen når prosjekta skal ferdiggjerast, noko som kan forsinke prosessane og gjere at Alver risikerer å gå glipp av midlar, eller å få dei lenger inn i framtida.
- Gjer ein prosjekta klare først, stiller ein sterkare i konkurransen om sterkt tiltrengte midlar til trafikkisikring, men har ikkje ein overordna arealplan for Alver kommune.
- Skal ein følgje med på store aktørar som opererer ulovleg, har ein ikkje kapasitet til å sjekke bekymringsmeldingar frå innbyggjarar, noko som undergrev tilliten til kommunen.

Spm om kva som bør prioriterast å gjennomføre først melder seg derfor. Vil det vere fornuftig å utsetje ferdigstillinga av arealplanen for å få dei lengst komne prosjekta til Miljøløftet ferdige og frigjere kapasitet til toppfølgings- og tilsynsoppgåver?

#### **Svar:**

Spørsmålet har i seg fleire problemstillingar difor vil ordførar innleiingsvis knytte svaret opp mot organiseringa i Alver kommune.

Tenestemråde plan og analyse har ansvar for å utarbeide offentlege planer som er vedtatt gjennom planstrategien. Til dømes kommuneplanen sin arealdel og andre offentlege reguleringsplanar.

Ulovlighetsoppfølging blir handtert på tenestemråde Arealforvaltning, ved avdeling for miljø og tilsyn. Nokon av spørsmåla til representanten Leif Johnsen, Alver MDG er relatert til ulovlighetsoppfølging og konsekvensar for framdrift for arealplanarbeidet.

Miljø og tilsyn si sakoppfølging heng ikkje saman med bruk av ressursar knytt til arbeid med arealplan eller prosjekt knytt opp mot Miljøløftet. Miljø og tilsyn prioritetar og handsamar saker om moglege ulovlege byggetiltak etter vedtatt tilsynsstrategi.

Arealplanlegging og realisering av prosjekt knytt til Miljøløftet:

Vedteken planstrategi for Alver slår fast kva planer som skal utarbeidast i denne kommunestyreperioden. Kommuneplanen sin samfunnsdel er vedteken. Kommuneplanen sin arealdel( KPA) som oppfølging av samfunnsdelen er i prosess. Det er politisk bestilt at KPA skal vere klar til høyring sommar 2023. Kommunestyret har også sett av ekstra planmidlar i arbeidet med arealdelen.

I Alver i dag er det 7 kommunedelplanar som er førande for arealutviklinga. Kommunedelplan for Radøy, KDP Meland, KDP Lindås og KDP Knarvik, Alversund med Alverstraumen, vart alle vedtekne i 2019. Desse overordna planane vil vere førande for detaljregulering av prosjekt i Miljøløftet og andre utbyggingsprosjekt i kommunen, fram til Alver har vedtatt ein ny arealdel.

Det er fleire prosjekt i Alver som er regulert og klare til å søke om midlar i Miljøløftet uavhengig av framdrift for kommuneplanen sin arealdel. Ordførar vil difor ikkje anbefale å utsetje arbeidet med arealdelen. Det er viktig at kommunen får ein ny og oppdatert arealdel, men det er også viktig å

realisere gode trafikktryggleiksprosjekt gjennom Miljøløftet.

Ordførar trur heller ikkje vi skal blande saman diskusjon om kapasitet på planlegging og kapasitet på ulovlegheitsoppfølging. Det er to ulike fagområde. Vi treng dei planressursane vi har til å gjennomføre viktig planarbeid, så må vi gjere ei eigen vurdering på om kapasiteten på ulovlegheitsoppfølging er god nok.

**KO- 136/22 Vedtak:**

**Vedlegg i saken:**

19.09.2022	Grunngjevne spørsmål - Kommunestyremøte den 22.09.2022	1805219
19.09.2022	Grunngjevne spørsmål - Kommunestyremøte den 22.09.2022	1805217
21.09.2022	Spørsmål til ordførar 20.09.22	1807207
12.10.2022	Grunngitt spørsmål til KO møte 20. okt frå Alver MDG	1817364